

Johtočála 2024-19

Dáhton: 27.06.2024

Buhtada johtočállaga: áááá-nr

Njuolggadus orohatplánaid doarjaga birra – kommentárat njuolggadussii

Sisdoallu

Láidehus	3
Bajilgovva rievdadusaid badjel	3
§ 1. Ulbmil	3
Kommentárat mearrádussii	3
§ 2. Eavttut doarjagii	3
Kommentárat mearrádussii	4
§ 3. Doarjjamearri	4
Kommentárat mearrádussii	5
§ 4. Gáibádusat ohcamuššii	5
Kommentárat mearrádussii	5
§ 5. Raporteren	5
Kommentárat mearrádussii	5
§ 6. Máksin	6
Kommentárat mearrádussii	6
§ 7. Diedihangeatnegasvuohta	6
Kommentárat mearrádussii	7
§ 8. Boasttumáksimiid divvun	7
Kommentárat mearrádussii	7
§ 9. Unnideapmi ja doarjaga dollen	8
Kommentárat mearrádussii	8
§ 10. Ruovttoluottamáksin- dahje unnidansupmi gáibideapmi	9
Kommentárat mearrádussii	10
§ 11. Váidinvejolašvuohta	11
Kommentárat mearrádussii	11
§ 12. Fápmuiboahhtin	11

Kommentárat mearrádussii	11
---------------------------------------	-----------

Láidehus

Doarjja orohatplánaide lea mearriduvvon [njuolggadusas beaiváduvvon geassemánu 20. b. 2024 nr. 1069 doarjaga birra orohatplánaide](#), mearriduvvon Eanandoallo- ja biebmodepartemeanttas geassemánu 20. b. 2024 ja das lea riektivuoddu Stuoradikki jahkásaš mearrádusas boazodoallošiehtadusa birra. Njuolggadus bohtá fápmui suoidnemánu 1. b. 2024.

Bajilgowva rievdadusaid badjel

Šiehtadanbealit leat ovttá oaivilis ahte galgá várrejuvvot ruhta orohatplánaide ja boazodoalloplánaide vrd. boazodoallošiehtadusa čuokkis 2.17. Várrejuvvon ruhta galgá leat gustovaš golmma jagi áigái.

Ortnet fievrreda maiddáid viidásit ja viiddida ovddit ortnega doarjaga birra orohatplánaid ráhkadeapmái daidda orohagaide main váilu orohatplána Boazodoalu ovdánahttinfoandda njuolggadusa mielde, mii šattai ortnegiin boazodoallošiehtadusa 2022/2023 dihte. Dal sáhttet sihke orohagat ja boazosearvvit oažžut doarjaga, sihke ođđa orohatplánaide ja boazodoalloplánaide, dahje dálá plánaid ođasmahttimii. Doarjaga máksomearri lea lassánan ja dal sáhttá oažžut doarjaga gitta 40 000 ruvnno. Orohat 16 sáhttá oažžut doarjaga gitta 60 000 ruvnno.

§ 1. Ulbmil

Doarjja galgá váikkuhit ahte orohagain ja boazoservviin leat ođasmahttojuvvon orohatplánat ja boazodoalloplánat.

Gáldu: [Forskrift om tilskudd til distriktsplaner](#) (Lovdata)

Kommentárat mearrádussii

Orohatplánat ja boazodoalloplánat leat dehálaš reaidut mat leat veahkin fuolaheame orohagaid beroštumiid areálaáššiin ja dáhket máhttovuodu almmolaš hálddahussii. Dieđut mat bohtet ovdan plánain leat dehálaččat almmolaš plánenbargguin.

§ 2. Eavttut doarjagii

Doarjja sáhttá juolluduvvot orohagaide ja boazoservviide mat ráhkadit orohatplánaid ja boazodoalloplánaid dahje dálá plánaid ođasmahttimii.

Orohatplána galgá ráhkaduvvot [boazodoallolága § 62](#) mielde.

Orohatplána dahje boazodoalloplána galgá leat mearriduvvon maŋemusat jagi maŋnel go doarjja lea juolluduvvon. Eanandoalldirektoráhtta sáhttá erenoamáš dilálašvuodain spiehkastit áigemearis.

Gáldu: [Forskrift om tilskudd til distriktsplaner](#) (Lovdata)

Kommentárat mearrádussii

Vuosttaš lađas

Eai leat kommentárat.

Nubbi lađas

Orohatstivra galgá mearridit orohatplána, ja mearriduvvon orohatplána galgá sáddejuvvot suohkanii, fylkkasuohkanii ja stáhtahálddašeaddjái, ja guoskevaš ránnjáorohagaide. Boazodoalloláhka § 62 mearrida orohatplána sisdoalu. Orohatplánat galget leat ráhkaduvvon dan njuolggadusa mielde vai deavdá eavttuid doarjagii dan ortnegis.

Šiehtadanbealit leat bidjan eaktun doarjagii ahte NIBIO orohatplánamálla geavahuvvo.

Orohatplánamálla lea buorre reaidu orohagaide, ja dahká álkibut almmolaš eiseválddiide giedahallat orohatplánaid main struktuvra ja sisdoallu lea seammalágan. Norgga Boazosápmelaččaid Riikkasearvi areálaáššiid ráđdeaddinbálvalusa, Trøndelága, Nordlándda ja Romssa ja Finnmárkku stáhtahálddašeaddji, Eanandoalldirektoráhtta ja Eanandoallo- ja biebmodepartemeantta ovddasteaddjit leat bargjoavkkus hábmen málla orohatplánaide man lea álki geavahit. Ođđa málla gárvána borgemánus 2024 ja galgá almmuhuvvot Eanandoalldirektoráhta neahttasiidduide.

Eanandoalldirektoráhtta ávžžuha geavahit málla, muhto fuomášahtá ahte eaktu § 2 nuppi lađđasis ii gáibit ahte málla geavahuvvo. Orohatplánat mat leat ráhkaduvvon boazodoallolága § 62 mielde devdet eavttuid doarjagii, vaikko málla ii leat geavahuvvon.

Boazodoalloláhka § 62 ii guoskka boazoserviide mat ráhkadit orohatplána. Boazodoalloplánas berrejit liikka leat dat diedut mat bohtet ovdan boazodoallolágas § 62 nuppi lađđasis nu bures go sáhtta heivehit dan. Diedut boazosearvi doaimmaheami birra leat seamma ládje go diedut orohagaid birra dehálaččat almmolaš plánenbarggus.

Goalmmát lađas

Áigemearri dohkkehit orohatplána dahje boazodoalloplána lea jagi maŋŋel go doarjja lea juolluduvvon. Áigemearri lea biddjon vai Eanandoalldirektoráhtta galgá sáhttit čuovvolit orohagaid ja boazoserviid mat leat ožžon doarjaga dán ortnega bokte.

Eanandoalldirektoráhtta sáhtta spiehkastit áigemearis erenoamáš dilálašvuodain, dispensašuvdna sáhtta addojuvvot konkrehta árvvoštallama vuodul. Erenoamáš dilálašvuodat leat go erenoamáš dahje eahpedábalaš dilálašvuodat čuožžilit, maid birra orohat dahje boazosearvi ii sáhtán diehtit, ja dat dilálašvuodat leat dagahan ahte áigemearri ii sáhte čuojuvvot.

§ 3. Doarjjamearri

Doarjja sáhtta juolluduvvot gitta 40 000 ruvnno orohatplána dahje boazodoalloplána bargamii.

Orohat 16 sáhtta oazžut doarjaga gitta 60 000 ruvnno.

Gáldu: [Forskrift om tilskudd til distriktsplaner](#) (Lovdata)

Kommentárat mearrádussii

Eai leat kommentárat.

§ 4. Gáibádusat ohcamuššii

Ohcamuša galgá sáddet Eanandoalldirektoráhtii sierra skoviin.

Ohccis lea ovddasvástádus ahte ohcamuš lea dievaslaččat ja riehta devdojuvvon.

Gáldu: [Forskrift om tilskudd til distriktsplaner](#) (Lovdata)

Kommentárat mearrádussii

Vuosttaš lađas

Eanandoalldirektoráhtta ráhkada sierra skovi man galgá geavahit go ohcá doarjaga orohatplánaide. Jus ohcci ii geavat sierra skovi, dahje buktá skovi mas leat váilevaš dieđut, de sáhtta bivdojuvvot deavdit skovi odđasit dahje maŋnel sáddet váilevaš dieđuid.

Nubbi lađas

Gáibiduvo ahte ohcci ieš lea ovddasvástideaddji ahte ohcamuš lea dievaslaččat ja riehta devdojuvvon. Váilevaš ohcamušat sáhttet hilgojuvvot jus ohcci ii atte daid dieđuid maid Eanandoalldirektoráhtta sihtá vai sáhttet meannudit ohcamuša.

Jus ohcci addá boasttu- dahje váilevaš dieđuid ohcamušas mat leat dahje livčče sáhttan dahkat vuodu eahpevuoiggalaš doarjaga máksimii, de sáhtta olles dahje oassi doarjagis unniduvvot, vrd. § 9.

§ 5. Raporteren

Doarjjavuostáiváldi galgá golmma mánu sisa maŋnel go orohatplána dahje boazodoalloplána lea dohkkehuvvon sáddet raportta Eanandoalldirektoráhtii, raporttas galgá boahit ovdan mo doarjja lea geavahuvvon ja dohkkehuvvon orohatplána dahje boazodoalloplána.

Eanandoalldirektoráhtta sáhtta erenoamáš dilálašvuodain spiehkastit raporterenaigemearis.

Gáldu: [Forskrift om tilskudd til distriktsplaner](#) (Lovdata)

Kommentárat mearrádussii

Vuosttaš lađas: Raporterengáibádus

Goluid mat bohtet ovdan doarjaga geavaheami birra galgá sáhttit duodaštit. Váilevaš raportereren sáhtta dagahit ahte 50 proseantta doarjagis ii máksojuvvo, vrd. § 6. Jus doarjjavuostáiváldi ii sáhte duodaštit ahte orohatplána lea dohkkehuvvon jagi maŋnel go doarjja lea juolluduvvon vrd. § 2 goalmát lađas,

de sáhtta máksojuvvon doarjja gáibiduvvot ruovttoluotta máksojuvvot dahje gessojuvvot boahhtevaš doarjjamáksámušain vrd. § 10 vuosttaš lađas vrd. § 8.

Nubbi lađas: Maŋidit raporterenaigemeari

Jus doarjjavuostáiváldi ii sáhte doallat áigemeari vuosttaš lađasa mielde, de sáhtta Eanandoalldirektoráhtta «*Erenoamáš dilálašvuodain*» maŋidit raporterenaigemeari. Maŋiduvvon áigemeari sáhtta addojuvvot árvvošteami vuodul. «*Erenoamáš dilálašvuolta*» lea dábálaččat erenoamáš dahje eahpedábálaš dilálašvuolta man doarjjavuostáiváldi ii sáhte vuordán diehtit ovdagihtii, mii dagaha ahte áigemeari ii sáhte doallat. «*Erenoamáš dilálašvuolta*» sáhtta ovdamearkka dihte leat buozalmasvuolta dahje eará dáhpáhus man ii lean vuordán.

Doarjjavuostáiváldi gii dárbbáša eanet áiggi sáddet raportta ferte nu bures go sáhtta čilget Eanandoalldirektoráhttii maŋnoneami sivaidd, ja duodaštit nu bures go sáhtta. Eanandoalldirektoráhtta jearrá dábálaččat doarjjavuostáiváldis manne raportta ii leat sáddejuvvon jus lea mannan badjel jagi ja golbma mánu dan rájes go doarjja juolluduvvui jus doarjjavuostáiváldi ii leat ieš addán dakkár dieduid.

§ 6. Máksin

Eanandoalldirektoráhtta sáhtta máksit 50 proseantta doarjagis go doarjja juolluduvvo. Nubbi bealli doarjagis máksojuvvon go Eanandoalldirektoráhtta lea dohkkehan doarjjavuostáiváldi raporterema.

Gáldu: [Forskrift om tilskudd til distriktsplaner](#) (Lovdata)

Kommentárat mearrádussii

50 proseantta doarjagis máksojuvvon go doarjja juolluduvvo, jus doarjjavuostáiváldi deavdá eavttuid doarjagii. Nubbi bealli doarjagis máksojuvvon maŋnel go raportta lea sáddejuvvon ja meannuduvvon.

Raportta mii sáddejuvvon Eanandoalldirektoráhttii galgá deavdit daid gáibádusaid mat bohtet ovdan njuolggadusa § 5 vuosttaš lađasis. Orohatplána dahje boazodoalloplána galgá dohkkehuvvot maŋemusat jagi maŋnel go doarjja juolluduvvui vrd. § 2 goalmát lađas, ja raportta galgá sáddejuvvot Eanandoalldirektoráhttii golmma mánu siste maŋnel go orohatplána dahje boazodoalloplána lea dohkkehuvvon vrd. § 5 vuosttaš lađas.

§ 7. Diedihangeatnegasvuolta

Dan doarjaga vuostáiváldi lea geatnegahtton dan njuolggadusa mielde addit dieduid maid boazodoalloeiseváldiid dárbbášit hálddašan dihte doarjjaortnega.

Gáldu: [Forskrift om tilskudd til distriktsplaner](#) (Lovdata)

Kommentárat mearrádussii

Mearrádusa vuodul leat doarjjavuostáiváldit, sihke vejolaš ja duohta, geatnegahtton addit boazodoalloeiseválddiide daid dieđuid maid eiseváldiid bivdet ortnega hálddašeamis. Dát guoská sihke áššemeannudeapmái ja áššemearrádusa čuovvoleapmái. Mearrádusa galgá ipmirdit nu, ahte boazodoalloeiseválddit dušše sáhttet gáibidit dieđuid mat leat guoskevaččat áššemeannudeapmái.

Boazodoalloeiseválddit leat stáhtahálddašeaddji, Eanandoallodirektoráhtta ja Eanandoallo- ja biebmodepartemeanta. Eanandoallodirektoráhtta dat meannuda ohcamušaid ja dahká áššemearrádusa, Eanandoallo- ja biebmodepartemeantta lea váidinorgána vrd. § 11. Stáhtahálddašeaddjis ii leat hálddašanrolla doarjjaortnegis, muhto galgá boazodoallolága § 62 mearrádusaid vuodul maiddái oažžut gárves dohkkehuvvon orohatplána.

Dábálaččat bivdet boazodoalloeiseválddit doarjjavuostáiváldi viežžat dieđuid ja duodaštusaid vai veahkin čuvge iežas ášši. Jus doarjjavuostáiváldi ii atte bivdojuvvon dieđuid, de fertejit boazodoalloeiseválddit mearridit ášši daid dieđuid ja duodaštusaid vuodul mat leat olámuttus.

§ 8. Boasttumáksimiid divvun

Boazodoalloeiseválddit sáhttet divvut boasttumáksojuvvon doarjaga, jogo mañjelmáksimiid bokte dahje ruovttoluottamáksingáibádusa bokte mii sáddejuvvo doarjjavuostáiváldái.

Gáldu: [Forskrift om tilskudd til distriktsplaner](#) (Lovdata)

Kommentárat mearrádussii

Mearrádusas deattihuvvo ahte boazodoalloeiseválddit sáhttet divvut boasttumáksojuvvon doarjaga. Boazodoalloeiseválddit sáhttet dakkár oktavuodain jogo gáibidit ruovttoluottamáksima badjelmeare máksojuvvon doarjagis, dahje mañjel máksit doarjaga man lea ožžon beare unnán.

Mearrádus guoská sihke dakkár oktavuodain gos duohta máksámuš ii vástit doarjjasupmiin mii čuožžu áššemearrádusas, ja oktavuodain gos juolludanmearrádus čájehuvvo mañjel leat huksejuvvon boasttudieđuid ala, mat leat dagahan boasttumáksima.

Doarjja mii ii leat doarvái ollu máksojuvvon divvojuvvo dan bokte ahte boazodoalloeiseválddit mákset mañjel dan váilevaš supmi doarjjavuostáiváldái. Boazodoalloeiseválddit diedihit doarjjavuostáiváldái go dat lea dahkkon.

Jus lea máksojuvvon beare ollu doarjja, de sáhtta doarjja gáibiduvvot ruovttoluotta máksojuvvot jus boazodoalloeiseváldiid konkreta árvvoštallan gáibida dan. Dakkár árvvoštallamis vihkkejuvvo dat ahte doarjja lea máksojuvvon dainna ahte submi galgá divvojuvvot. Jus doarjjavuostáiváldi ipmirdii dahje livčče galgan ipmirdit ahte máksámuš lei boastut, de lea jáhkehahtti ahte doarjja gáibiduvvo ruovttoluotta máksojuvvot.

Jus boazodoalloeiseválddit fuomášit ahte álgo algosaš doarjjamearrádus lea huksejuvvon boasttudieđuid ala, dahje doarjjasubmi lei boastut dieđuid ektui, de fertejit boazodoalloeiseválddit

árvoštallat rievdadit áššemearrádusa hálddašanlága § 35 vuodul. Jus árvoštallojuvvo rievdadit áššemearrádusa nu ahte doarjjavuostáiváldi massá doarjaga, de galgá doarjjavuostáiváldi diedihuvvot dan birra vai sáhtá mitalit iežas bealis áššis. Doarjjavuostáiváldi oažžu áššemearrádusa rievdadeami birra oktan ruovttoluottamáksingáibádusain.

§ 9. Unnideapmi ja doarjaga dollen

Jus doarjjavuostáiváldi lea fuollameahttumiid deavdán ohcamuššii váilevaš dahje boasttudieđuid, mat leat dahje livčče sáhtán dahkat vuodu doarjaga boasttumáksimii, de sáhtá olles dahje oassi doarjagis unniduvvot.

Jus doarjjavuostáiváldi lea fuollameahttumiid dahje eaktodáhtolaččat doaimmahan boazodoalus dakkár vugiin mii rihkku boazodoalu lágaid ja njuolggadusaid, de sáhtá olles dahje oassi doarjagis dollejuvvot dassážii doarjjavuostáiváldi boazodoallu lea lágaid ja njuolggadusaid mielde. Jus dakkár njuolggadusaid rihkkun lei hui eaktodáhtolaččat, de sáhtá olles dahje oassi doarjagis unniduvvot.

Gáldu: [Forskrift om tilskudd til distriktsplaner](#) (Lovdata)

Kommentárat mearrádussii

Obbalaččat unnideami birra

Unnideapmi mearkkaša ahte boazodoalloeiseválddit unnidit doarjjasupmi masá ohcci rievtti mielde devddii eavttuid.

Bajit mihttu unnideami mearrádusain lea ahte ohcci galgá várrogasvuodain deavdit ohcamuša. Unnideapmi ii leat ránggáštus, ii ge das leat ulbmil ránggáštít.

Ohcci gii ieš diediha stáhtahálddašeaddjái ahte lea boastut deavdán ohcamuša garvá dábálaččat doarjjasupmi unnideami.

Vuosttaš lađas: Unnideapmi boasttudieđuid dihte ohcamušas

§ 9 vuosttaš lađasa vuodul sáhtá doarjja unniduvvot jus son geasa doarjja lei vuoigaduvvon lea fuollameahttumit dahje eaktodáhtolaččat addán váilevaš- dahje boasttudieđuid ohcamušas, ja dat dieđut leat dahje livčče sáhtán dahkat ahte doarjja máksojuvvui beare ollu.

Diehtu mii lea boastut (boasttudiehtu) lea dalle go dat mii lea devdojuvvon ohcamuššii ii vástit duohta dillái.

Boasttudiehtu galgá dasa lassin addán dahje sáhtán addit eanet doarjaga go dan mii lea vuoigaduvvon doarjjavuostáiváldái.

Doarjjavuostáiváldi galgá láhtten fuollameahttumit

Doarjjavuostáiváldi galgá addán boasttudieđuid «fuollameahttumiid». Dat mearkkaša ahte doarjja ii sáhte unniduvvot jus boasttudieđut addojuvvo buori jáhkus, das oaivilduvvo ahte doarjjaohcci ii

ipmirdan dahje ii livčče galgan ipmirdit ahte diedut ohcamušas ledje boastut.

Unnidanmearri

Boazodoalloeiseválddit sáhttet unnidit «olles dahje oasi doarjagis». Hálddašanpráksis unniduvvo doarjjasubmi supmiin mii vástida doarjaga lassáneapmái jus boasttudiehtu ii livčče fuomášuvvon.

Nubbi lađas vuosttaš čuokkis: Doarjaga dollen boazodoalu njuolggadusaid rihkkuma geažil

Mearrádus guoská doarjjavuostáiváldiide geat leat doaimmahan dahje ain doaimmahit boazodoalu dakkár vugiin mii rihkku boazodoalu lágaid dahje njuolggadusaid. Dakkár njuolggadusat leat dábálaččat boazodoallogálhka gullevaš njuolggadusain, doarjjanjuolggadusat boazodoallošiehtadusa olis, ja ealliidčálgoláhka gullevaš njuolggadusain. Ulbmil lea hehttet ahte lobihis doaimmat ožžot doarjaga.

Mearrádus geavahuvvo go eiseválddit geat hálddašit dihto njuolggadusa dáhket áššemearrádusa mas boahtá ovdan ahte doarjjaohcci lea rihkkon daid njuolggadusaid fuollameahttumit dahje eaktodáhtolaččat. Dakkár oktavuodain sáhttet boazodoalloeiseválddit dollet orohatplánaid doarjaga dassáži dilálašvuohta lea njulgejuvvon.

Go doarjjaohcci lea njulgen dilálašvuođa ja ordnen nu ahte su boazodoallu lea lobálaš, de eai šat sáhte boazodoalloeiseválddit doallat doarjaga. Doarjja máksojuvvon go boazodoalloeiseválddit leat ožžon dieđu ahte dilálašvuohta lea njulgejuvvon.

Nubbi lađas nubbi čuokkis: Doarjaga unnideapmi go boazodoalu njuolggadusat leat duodalaččat rihkkojuvvon

Mearrádus gullá duodalaš njuolggadusrihkumiidda. Go dihto njuolggadusa eiseválddit leat cealkán ahte doarjjaohcci lea rihkkon njuolggadusa hui fuollameahttumit dahje eaktodáhtolaččat, de sáhtta doarjja orohatplánaide unniduvvot vaikko lobihis dilálašvuohta lea njulgejuvvon.

§ 10. Ruovttoluottamáksin- dahje unnidansupmi gáibideapmi

Differánša mávssatkeahtá ja vuoigaduvvon doarjagis ruovttoluottamáksima [§ 8](#) dahje unnideami [§ 9](#) áššemearrádusa oktavuodas, sáhtta gáibiduvvot ruovttoluotta máksojuvvot doarjjavuostáiváldis dahje gessojuvvot boahttevaš doarjjamáksámušain.

Ruhtagáibádusat boazodoalloeiseváldiin sáhttet gessojuvvot doarjjavuostáiváldi doarjjamáksámušain.

Jus doarjjavuostáiváldi ii lean várrogas buori jáhkus máksámuša birra, de sáhttet reanttut gáibiduvvot dan áigemuttu rájes go ruovttoluottamáksingáibádus bodii vuostáiváldái. Jus lea láhtten hui fuollameahttumit dahje eaktodáhtolaččat bargan dagu, de sáhttet reanttut gáibiduvvot dan rájes go eahpevuoigaduvvon doarjja máksojuvvui. Reantojuolgi galgá biddjot nu go juohke áigái lea mearriduvvon Finánsadepartemeanttas reantojuolggi birra [§ 3 lágas juovlamánu 17. b. 1976 nr. 100 reanttuid birra go manŋona máksimiin j.e.](#)

Gáldu: [Forskrift om tilskudd til distriktsplaner](#) (Lovdata)

Kommentárat mearrádussii

Mearrádus addá njuolggadusaid doarjaga sisagáibideapmái go lea mearriduvvon ahte doarjja galgá máksojuvvot ruovttoluotta ja/dahje unniduvvot §§ 8 ja 9 vuodul.

Go Eanandoalldirektoráhtta lea mearridan ahte unnidansubmi ja/dahje boasttumáksojuvvon doarjja galgá gáibiduvvot ruovttoluotta, de sáhtta gáibádus gessojuvvot boahttevaš doarjamáksámušain. Dat guoská maiddá eará doarjjaortnegiidda maid doarjjavuostáiváldi ohca ja mat leat vuoigaduvvon sutnje.

Mearrádusa nuppi laddasa vuodul sáhttet maiddá boazodoalloeiseválddiid eará gáibádusat orohakkii dahje boazosearvá gessojuvvot doarjagis dan njuolggadusa vuodul.

Eanandoalldirektoráhtta ja/dahje Eanandoallo- ja biebmodepartemeantta dat árvoštallet galgá go submi gáibiduvvot ruovttoluotta dan bokte ahte geassit eret boahttevaš doarjagis. Jus mearriduvvo ahte galgá gessojuvvot, de oažžu doarjjavuostáiváldi čálalaččat dieđu ahte olles dahje oassi doarjagis gessojuvvo doarjjavuostáiváldi doarjjagáibádusas.

Jus ii mearriduvvo ahte olles doarjjasubmi galgá gáibiduvvot ruovttoluotta máksojuvvot, de oažžu doarjjavuostáiváldi rehkega man galgá geavahit go máksá ruovttoluotta.

Reanttut

§ 10 goalmát laddasis lea rahppon vejolašvuoda lasihit reanttuid go lea ruovttoluottamáksingáibádus.

Reanttut eai lasihuvvo jus doarjjavuostáiváldi lei várrogas buori jáhkus doarjamáksámuša birra, das oaivilduvvo ahte doarjjavuostáiváldi ii ipmirdan dahje livčče galgan ipmirdit ahte máksámuš lei boastut.

Jus doarjjavuostáiváldi ipmirdii dahje livčče galgan ipmirdit ahte máksámuš lei boastut, de sáhttet reanttut lasihuvvot dan áigemuttu rájes go doarjjavuostáiváldi oaččui ruovttoluottamáksingáibádusa. Vuoddu árvoštallamii lea maid dábálaš várrogas olmmoš seamma virggis ja dilálašvuodas livčče ipmirdan dahje livčče galgan ipmirdit.

Jus doarjjavuostáiváldi lea roavva fuollameahtunvuodain dahje eaktodáhtolaččat deavdán ohcamuša dahje váldán vuostá doarjaga, de sáhttet reanttut lasihuvvot dan rájes go doarjja máksojuvvui. Doarjjavuostáiváldi lea čájehan roavva fuollameahtunvuoda go lea meannudan hui loavkašuhtti láhkái; das lea sáhka mearkkašahhti erohusas dábálaš láhttenvuogis dakkár olbmós gii čájeha várrogasvuoda seamma dilis. Jus doarjjavuostáiváldi lea eaktodáhtolaččat váldán vuostá doarjaga mii ii leat vuoigaduvvon sutnje, de lea dihtomielalaččat dahje iešmielaid meannudan.

Reantogáibádusa mearrida Eanandoalldirektoráhtta dan mearrádusa mielde. Reantomearri mearriduvvo lága mielde reanttuid birra maŋŋonan máksima oktavuodas § 3.

§ 11. Váidinkejolašvuohta

Áššemearrádusa dan njuolggadusa mielde sáhtta váidit Eanandoallo- ja biebmodepartementii [hálddašanlága](#) njuolggadusaid mielde.

Gáldu: [Forskrift om tilskudd til distriktsplaner](#) (Lovdata)

Kommentárat mearrádussii

Eai leat kommentárat.

§ 12. Fápmuiboahhtin

Njuolggadus boahtha fápmui suoidnemánu 1. b. 2024.

Gáldu: [Forskrift om tilskudd til distriktsplaner](#) (Lovdata)

Kommentárat mearrádussii

Eai leat kommentárat.